



KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

29 MAC 2022 (SELASA)



KERATAN AKHBAR DAN MEDIA ONLINE (KPDNHEP)

29 MAC 2022 (SELASA)



Oley WAI TEE
PENULIS BEBAS

Subsidi bersasar kurang ketirisan dan penyelewengan

Bila kerajaan arahkan supaya ayam standard dijual pada harga RM8.90 sekilo, sedar atau tidak, sebenarnya kerajaan terpaksa memperuntukkan berjuta ringgit subsidi kepada penternak ayam dan telur. Jika tidak, pasti penternak tidak akan setuju kerana kos operasi ladang telah meningkat akibat kenaikan harga jagung, soya, vitamin, ubat-ubatan dan tenaga kerja.

Kerajaan selalunya mengeluarkan kos berbillion ringgit dalam bentuk subsidi untuk mencapai beberapa tujuan strategik. Subsidi mungkin dalam bentuk tunai, barangan kepada rakyat atau untuk kurangkan harga sesebuah barang. Apapun bentuknya, subsidi itu adalah kos dan beban kewangan yang semakin meningkat kepada kerajaan.

Ada subsidi baja yang disasarkan untuk petani. Ada subsidi diesel untuk nelayan. Dan ada juga subsidi yang diberikan kepada pengeluar untuk mengawal harga barangan seperti harga petrol, minyak masak, ayam dan telur.

Tanpa subsidi daripada kerajaan, harga sesuatu barangan akan lebih tinggi daripada harga pasaran seperti kes ayam dan telur.

Dahulu subsidi untuk minyak masak sawit tulen memerlukan sekitar RM400 juta setahun untuk ia dijual pada harga RM2.50 sekilogram.

Kini apabila minyak sawit mentah telah mencecah lebih daripada RM5,000 per tan metrik, kerajaan terpaksa memperuntukkan lebih daripada RM3 billion setahun bila kerajaan tentukan harga maksimum bagi minyak masak sawit tulen kemas botol 1kg, 2kg, 3kg dan 5kg.

Itu baru minyak masak. Belum lagi Petrol RON95 dan diesel yang harga selingnya telah ditentukan oleh kerajaan pada RM2.05 dan RM2.15 seliter sejak Ogos 2020. Dan harga itu adalah ketika minyak mentah di pasaran dunia adalah USD55 setong.

Kini subsidi RON95 dan diesel pasti mencanak dengan harga minyak mentah telah mencecah USD110 setong. Kita andaikan subsidi RON95 adalah RM0.50 seliter ketika harga minyak di paras USD55 setong. Sekarang mungkin dah meningkat dua kali ganda menjadi RM1.00 seliter.

Penggunaan RON95 rakyat Malaysia dilaporkan sebanyak 14.4 billion liter setahun. Ini bermakna jumlah subsidi yang ditanggung kerajaan untuk RON95 sahaja adalah RM14.4 bilion setahun. Bukan sedikit tu.

Belum lagi diesel, minyak masak, gas LPG 14kg, tepung kegunaan am, gula, ayam dan telur. Tetapi persoalannya, apakah subsidi itu benar-benar sampai dan dinikmati oleh golongan yang disasarkan?

Lebih malang, ada rakyat yang tidak menghargai malah memperlekehkan. Apakah kalau subsidi itu disalahguna?

Media pernah melaporkan tentang penyelewengan subsidi diesel kepada nelayan dan subsidi baja kepada petani. Subsidi yang menelan belanja berbillion ringgit setahun itu tidak menghasilkan hasil tanaman dan tangkapan ikan yang diharapkan.

Malah ada nelayan dan petani yang ditangkap kerana menjual diesel kepada nelayan asing dan ada petani yang menjual baja kepada tauke-tauke besar. Kenapa?

Pastinya kerana hendak cepat mendapat keuntungan dan malas hendak berusaha di laut atau di bendang. Ini bukan omongan kosong, tetapi realiti yang berlaku dalam masyarakat kita.

Kita ambil contoh subsidi yang tidak sampai ke golongan sasar. Penggunaan RON95 bersubsidi terbuka kepada semua pengguna. Bermakna kerajaan memberi

Media pernah melaporkan tentang penyelewengan subsidi diesel kepada nelayan dan subsidi baja kepada petani. Subsidi yang menelan belanja berbillion ringgit setahun itu tidak menghasilkan hasil tanaman dan tangkapan ikan yang diharapkan.

subsidi RM1 setiap liter petrol RON95 yang masuk ke tangki kenderaan.

Golongan sasar B40 selalunya menggunakan motorsikal dan mungkin kereta kompak Kancil, Axia, Myvi, Saga atau Pesona kalau mereka memiliki kereta.

Yang memiliki motor akan mengisi 5 liter setiap minggu dan 20 liter setiap bulan. Subsidi RON95 yang dinikmati sekitar RM20 subsidi sebulan.

Yang memiliki kereta pula akan mengisi 35 liter setiap dua minggu atau 70 liter sebulan. Bermakna golongan ini menikmati RM70 subsidi sebulan.

Bila harga RON97 telah meningkat tinggi, ramai golongan T20 telah beralih ke RON95 kecuali untuk perjalanan jarak

jauh. Mereka biasanya mempunyai kenderaan bersaiz besar, selalunya memerlukan 70 liter setiap 10 hari dan 210 liter sebulan untuk berulang alik ke tempat kerja.

Golongan T20 sebenarnya lebih menikmati subsidi sekitar RM210 sebulan, jauh lebih tinggi dari golongan B40 yang menikmati antara RM20 hingga RM70 sebulan. Bermakna golongan T20 lebih menikmati subsidi berbanding B40 Dan M40.

Begitu juga dengan minyak masak bersubsidi polibeg. Yang lebih banyak menikmati subsidi minyak masak adalah golongan penjaja kecil, peniaga kedai makan dan restoran. Golongan ini selalunya membeli dalam kuantiti yang banyak menyebabkan bekalan di satu-satu tempat kehabisan.

Itu sebabnya kenapa Kementerian Perdagangan Dalam Negeri dan Hal Ehwal Pengguna mengenakan had pembelian 3kg (3 bungkus) setiap seorang walaupun peraturan ini mudah diingkari.

Gas LPG 14kg yang harganya dikawal pada RM26.60 (tanpa caj penghantaran) untuk kegunaan isi rumah juga lebih banyak dinikmati oleh peniaga kedai makan, restoran dan kedai dobi layan diri.

Ini belum dihitung penggunaan barang bersubsidi oleh warga asing yang berjumlah lebih 3 juta di negara ini. Warga asing boleh membeli minyak masak, LPG, RON95, diesel, tepung dan gula berleluasa tanpa had. Tidak hairanlah Malaysia adalah syurga buat mereka.

Subsidi bertujuan untuk meringankan beban rakyat Malaysia terutama golongan berpendapatan rendah. Tetapi subsidi yang disalurkan untuk mengurangkan harga sesuatu barangan terbukti tidak mencapai sasarannya.

Seharusnya rakyat bersyukur dengan penyaluran subsidi dalam pelbagai bentuk ini. Di masa yang sama, kerajaan harus memikirkan semula untuk mengurangkan ketirisan dalam pelaksanaan subsidi terutama menerusi harga barangan terkawal seperti minyak masak, LPG dan RON95. Apakah ianya benar-benar sampai ke golongan sasar di kalangan rakyat Malaysia dan di masa yang sama tidak membebankan fiskal kerajaan.

Dengan meluasnya adaptasi e-wallet di kalangan rakyat, sudah tiba masanya subsidi disalurkan terus ke e-wallet dalam bentuk tunai kepada B40 dan M40 yang disasarkan di mana pemantauan dapat dibuat terhadap barangan yang dibeli.

Harga barang ketika itu akan dijual mengikut harga pasaran. Penjimatan dari subsidi dapat disalurkan kepada projek pembangunan berorientasikan rakyat yang lebih berdaya maju.

KEMENTERIAN PERDAGANGAN DALAM NEGERI DAN HAL EHWAL PENGGUNA

PROGRAM KESEJAHTERAAN RAKYAT
COMMUNITY DRUMMING

KENALI 7 BARANGAN KEPERLUAN ASAS YANG DISUBSIDIKAN KERAJAAN

Beras, Minyak Masak, Gula Pasir, Tepung Gandum, Gas LPG, Diesel, Petrol RON95

Ketuklah tangkapan kos pengangkutan membawa 7 barangan keperluan di atas ke kawasan luar bandar supaya penduduk dapat menikmati barangan tersebut pada harga yang sama dengan di bandar.

#KPNP @KPNP KPNP TV

Tujuh barangan keperluan asas yang disubsidi kerajaan demi meringankan beban pengguna, terutama sekali golongan berpendapatan rendah.

KPDNHEP siasat terperinci kesan kenaikan harga



Rosol (kiri) beramah mesra bersama media pada Majlis Apresiasi Kepenggunaan Timbalan Menteri KPDNHEP Bersama Media Terengganu, di Kuala Terengganu, malam kelmarin.
(Foto Ghazali Kori/BH)

Kuala Terengganu: Kementerian Perdagangan Dalam Negeri dan Hal Ehwal Pengguna (KPDNHEP) akan melakukan siasatan terperinci pada setiap peringkat rantai perniagaan mengikut Akta Kawalan Harga dan Anti Pencatutan (AKHAP) 2011 bagi mengesan berlaku kenaikan harga barangan yang melampau dan tidak munasabah, terutama ketika Ramadan dan Aidilfitri nanti.

Timbalan Menteri, Datuk Rosol Wahid, berkata peniaga yang didapati melakukan pencatutan dan menaikkan harga barangan akan dikenakan tindakan tegas kerana ia menganiaya pengguna.

"Ketika ini, orang membuat perbandingan harga, contohnya tiga biji kuih dijual dengan harga RM1 tahun lalu, tetapi tiba-tiba Ramadan ini ia dijual dengan

harga RM1 bagi dua biji kuih.

"Apabila ini berlaku, kita akan siasat pada setiap rantai bermula daripada peringkat penge-luar kepada pemborong, pemborong kepada peruncit dan peruncit kepada peniaga untuk menentukan jika wujud unsur pencatutan.

"Jika didapati kenaikan harga itu ada unsur pencatutan, kita akan ambil tindakan mengikut AKHAP2011," katanya selepas Majlis Apresiasi Kepenggunaan Timbalan Menteri KPDNHEP Bersama Media Terengganu di sini, malam kelmarin.

Rosol berkata, lebih 2,200 penguat kuasa dengan dibantu kira-kira 1,000 pegawai pemantau harga akan menjalankan pemantauan berterusan di lapangan berikutan jangkaan akan berlaku kenaikan harga juadah di bazar Ramadan.

KPDNHEP pantau harga makanan bazar Ramadan

KUALA TERENGGANU

- Lebih 2,200 penguat kuasa dan dibantu kira-kira 1,000 pegawai pemantau harga Kementerian Perdagangan Dalam Negeri dan Hal Ehwal Pengguna (KPDNHEP) akan melakukan pemantauan di bazar Ramadan seluruh negara susulan jangkaan berlakunya kenaikan harga makanan.

Timbalan Menteri KPDNHEP, Datuk Rosol Wahid berkata, kenaikan harga makanan mungkin tidak boleh dielak berikutan perubahan harga bahan mentah di pasaran, namun menjadi

satu kesalahan sekiranya keuntungan yang diambil terlampau tinggi.

"Peniaga mungkin akan melakukan perubahan harga jual untuk menampung kos dan jika kita terima aduan harga makanan dijual melampau dan tidak munasabah, kita akan lakukan siasatan mengikut Akta Kawalan Harga dan Antipencatutan (AKHAP) 2011," katanya pada Majlis Apresiasi Kepenggunaan bersama Media Terengganu di sini pada malam Ahad.

Rosol yang juga Ahli Parlimen Hulu Terengganu mengulas laporan mengenai har-

ga makanan yang dijual di bazar Ramadan dijangka meningkat antara 20 hingga 30 peratus bagi menampung kos peningkatan harga bahan mentah.

Menurut Rosol, kenaikan harga perlu setara dengan peningkatan kos di peringkat pengeluaran, pemborong, pengedar, peruncit dan ia tidak boleh melebihi daripada kadar sepatutnya, namun sekiranya berlaku, KPDNHEP boleh melakukan siasatan secara



ROSOL

menyeluruh.

"Jika dari pemborong kepada peniaga peningkatan hanya 10 peratus, tidak patutlah peniaga kenakan kenaikan kepada pengguna sehingga 30 peratus," katanya.

Oleh itu, beliau berkata, pemantauan berterusan akan dilakukan oleh penguat kuasa dengan dibantu pegawai pemantau harga bagi memastikan harga makanan dijual di bazar Ramadan adalah munasabah dan

berpatutan.

"Peniaga boleh menentukan sendiri harga jualan makanan kepada pengguna. Namun, kita akan menjalankan siasatan sekiranya mendapat aduan harga jualannya melampau atau tidak munasabah.

"Sekiranya siasatan kita mendapati kenaikan harga itu tidak munasabah dan berlaku pencatutan berdasarkan dokumen pembelian di setiap rantaian tadi, maka mereka akan dikenakan tindakan di bawah AKHAP 2011," ujar beliau.

Ministry to probe price hike cases thoroughly

KUALA TERENGGANU: The Domestic Trade and Consumer Affairs Ministry has given an assurance that it will investigate every case of excessive price increase in detail and comprehensively at every stage of distribution to prevent profiteering activities.

Its deputy minister, Datuk Rosol Wahid, said every complaint of unreasonable price increase will be investigated starting from manufacturers, wholesalers, distributors and retailers to find out the cause.

He said as a country with an open economic system, the price of goods is determined by demand and supply factors and traders can determine any change in the price of goods, but it is subject to the enforcement of the Price Control and Anti-Profitteering Act (AKHAP) 2011.

"We cannot avoid this price increase due to various factors, but it is unreasonable if the profits earned at each stage of distribution of the goods burden the consumers.

"If our investigation finds that the price increase is unreasonable and there is profiteering element based on purchase documents in each chain, then they will be subject to action under AKHAP 2011," he told reporters after the Terengganu media appreciation ceremony here on Sunday.

He added that more than 2,200 enforcement officers with the assistance of about 1,000 price monitoring officers will monitor business activities at Ramadan bazaars nationwide this year. - Bernama

HARGA BUFET RAMADAN

Tawar harga berpatutan

Melaka: Pengusaha hotel dan restoran di negeri ini disaran supaya tidak menawarkan sajian atau buffet berbuka puasa pada harga tinggi sepanjang Ramadan ini.

Ketua Menteri Datuk Seri Sulaiman Md Ali berkata pihak hotel diminta menawarkan harga berpatutan, sekali gus menarik lebih ramai orang menikmati juadah di premis mereka.

"Jangan melihat kepada harga tetapi jumlah orang yang datang itu ramai. Jadi ia situasi menang-menang dan saya percaya pihak hotel boleh kekalkan harga seperti sebelum ini," katanya kepada pemberita selepas

melancarkan Leypark Station dan Bazar Mega di Dataran Sejarah di sini malam kelmarin.

Sulaiman berkata, kerajaan negeri serta Kementerian Perdagangan Dalam Negeri dan Hal Ehwal Pengguna (KPDNHEP) Melaka juga akan sentiasa bekerjasama bagi memastikan harga barangan kawalan sentiasa dipatuhi.

"Kita faham kenaikan harga barang pada waktu ini akibat kenaikan harga minyak dan minyak kelapa sawit tetapi kita akan mengikut arahan pemantauan yang dibuat oleh peringkat pusat dan kita akan laksanakannya," katanya.

Pasukan petugas atasi miskin bandar

Kementerian Wilayah Persekutuan tubuhkan Unit Kemiskinan

Kuala Lumpur: Kementerian Wilayah Persekutuan menubuhkan Unit Kemiskinan pada peringkat kementerian dan agensinya bagi menangani isu miskin bandar secara berterusan.

Timbalan Menteri, Datuk Seri Jalaluddin Alias memaklumkan bagi Wilayah Persekutuan Labuan, unit itu ditubuhkan bawah Perbadanan Labuan serta bekerjasama dengan Kementerian Perdagangan Dalam Negeri dan Hal Ehwal Pengguna (KPDNHEP) bagi menubuhkan pasukan petugas.

"Unit Kemiskinan ini adalah sebuah unit baharu yang kami wujudkan untuk mencapai matlamat membasmi kemiskinan.

"Penubuhan pasukan petugas pula sebagai persediaan untuk bekalan barangan keperluan menjelang musim perayaan, dengan sokongan agensi kerajaan

serta pemborong atau kedai terpilih.

"Diharapkan segala usaha yang dirancang dan dilaksanakan ini dapat membantu menangani masalah kemiskinan di Wilayah Persekutuan Labuan, terutama miskin bandar berikutan kos sara hidup semakin tinggi," katanya pada sesi soal jawab di Dewan Negara, semalam.

Beliau menjawab soalan Senator Datuk Bashir Alias mengenai mekanisme direncanakan pihak kementerian dalam usaha menangani masalah kemiskinan di Labuan, terutama miskin bandar susulan kenaikan kos sara hidup.

Selain itu, Jalaluddin berkata, kementerian akan menggerakkan semula Jawatankuasa Kerja Pembangunan Fizikal dan Ekonomi Wilayah Persekutuan Labuan (JKPFEPWL) bawah Menteri Wilayah Persekutuan, bagi menangani isu dan masalah semasa berkaitan pembangunan fizikal serta ekonomi, termasuk perkara yang membabitkan kenaikan kos sara hidup di Labuan.

Menjawab soalan tambahan Senator Muhammad Zahid Md Arip sama ada Unit Kemiskinan itu boleh bekerjasama dengan Pusat Pungutan Zakat untuk mengatasi kemiskinan bandar dalam

kalangan umat Islam pula, Jalaluddin berkata, kedua-dua unit itu mempunyai matlamat yang sama.

"Matlamat kami sama. Unit Kemiskinan ini untuk membantu bukan sahaja golongan Melayu Islam bahkan kaum lain dengan tumpuan kami sama, iaitu membantu golongan B40 ke bawah, untuk mengatasi masalah kemiskinan.

"Di samping itu, saya jangka gabungan kedua-dua unit ini akan memaksimumkan bantuan serta menyelesaikan kemiskinan yang dihadapi masyarakat kita sekarang," katanya.

BERNAMA